



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 423
e – mail: info@voda.ba

Broj: **UP-1/21-1-40-191-4/25**

Datum: **11.07.2025. godine**

«Agencija za vodno područje rijeke Save» Sarajevo rješavajući po zahtjevu Ministarstva komunikacija i prometa Bosne i Hercegovine za donošenje Rješenja o prethodnoj vodnoj saglasnosti za izgradnju sistema pera i produbljenje dna trasom plovnog puta na rijeci Savi – lokalitet Zorice i Savulje, u sklopu rehabilitacije plovnog puta rijeke Save, od rkm 320 do rkm 329 i od rkm 310 do rkm 312, na području općina Odžak i Domaljevac-Šamac, na osnovu člana 109. stav (1) tačka 10. i 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

o prethodnoj vodnoj saglasnosti

1. Ministarstvu komunikacija i prometa Bosne i Hercegovine daje se prethodna vodna saglasnost za izgradnju sistema pera i produbljenje dna trasom plovnog puta na rijeci Savi – lokalitet Zorice i Savulje, u sklopu rehabilitacije plovnog puta rijeke Save, rkm 320 do rkm 329 i od rkm 310 do rkm 312, na zemljištu označenom kao k.č. broj 3805/1 i 16607 K.O. Novi Grad, općina Odžak i 3827 K.O. Tišina općina Domaljevac-Šamac, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene uz zahtjev i pod slijedećih uslova:
 - 2.1. Izraditi i revidovati investiciono-tehničku dokumentaciju na nivou Glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa liste „A“ Federalnog Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 2.2. Projektnom dokumentacijom treba da se obuhvati tehničko rješenje uređenja korita sa objektima za osiguranje plovidbe na predmetnoj dionici, a projekat između ostalog treba sadržavati:
 - Situativni prikaz razmjere 1:1000 ili detaljnije, poprečne profile riječnog korita (na rastojanju do 50,00 m) i uzdužne profile 1:100 ili detaljnije sa ucrtanom dionicom obuhvaćenom sa aktivnostima u koritu rijeke Save na ažurnim geodetskim podlogama uzdužnog i poprečnih profila riječnog korita urađenu na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrtni), preko kojih će se vršiti kontrola realizacije ovih radova;
 - Tehnički opis rješenja, uz obrazloženje rješenja i pojašnjenje efekata izgradnje predmetnih objekata, predmjer radova i odgovarajuće grafičke priloge uobičajene za nivo projekta za građenje;
 - Proračun vučnih napona u cilju određivanja načina zaštite (oblaganja) obale, krupnoće kamenog nabačaja koji će se koristiti i sl.;
 - Hidrauličke proračune za vode 95% trajanja na predmetnoj dionici rijeke Save i hidrološke analize na osnovu raspoloživih nizova podataka o protocima i vodostajima;
 - Zahvati moraju uvažiti postojeće imovinsko-pravne odnose i radove svesti u pojas kojim će se najmanje narušiti izgrađeni i planirani objekti, privatni posjedi i parcele;
 - Definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu;
 - Predmjerom radova utvrditi količine materijala (pijeska, šljunka) koje će se eventualno izvaditi prilikom izvođenja radova, te materijala koji treba ukloniti (smeće, mulj, kruti otpad, pijesak, šljunak, šiblje i dr.). Bilans masa uraditi na osnovu ažurnih geodetskih podloga. Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;

- Projektnom dokumentacijom sagledati sve moguće neželjene uticaje planiranih radova na izgrađene objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje odnosno sprečavanje tih uticaja;
 - Projektna dokumentacija treba da bude urađena na zakonski zahtjevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se eventualno pojaviti kod uređenja korita rijeke Save i čije će se količine utvrditi u predmjeru radova iz tačke 2.2. alineja 7 ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
 4. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22).
Uz zahtjev za izdavanje vodne saglasnosti, treba dostaviti slijedeću dokumentaciju:
 - Investiciono-tehničku dokumentaciju zahtjevanu tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu na kojoj će se izvesti predmetni radovi,
 - Dokaz o riješenim imovinsko-pravnim odnosima,
 - Saglasnost udruženja sportskih ribolovaca na termine provođenja radova na predmetnom uređenju korita rijeke Save.
 5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 6. Ovu prethodnu vodnu saglasnost Podnosilac će koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija, koja se podnosi u postupku dobijanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
 7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O B R A Z L O Ž E N J E

Podnosilac zahtjeva Ministarstvo komunikacija i prometa Bosne i Hercegovine je dostavila zahtjev za donošenje Rješenja o prethodnoj vodnoj saglasnosti za izgradnju sistema pera i produbljenje dna trasom plovnog puta na rijeci Savi – lokalitet Zorice i Savulje, u sklopu rehabilitacije plovnog puta rijeke Save, rkm 320 do rkm 329 i od rkm 310 do rkm 312, na zemljištu označenom kao k.č. broj 3805/1 i 16607 K.O. Novi Grad, općina Odžak i 3827 K.O. Tišina općina Domaljevac-Šamac, a u postupku pribavljanja urbanističke saglasnosti.

Uz zahtjev je dostavljena i pregledana slijedeća dokumentacija:

- Kopija uvjerenja o poreznoj registraciji, Porezna uprava - Kantonalni ured Sarajevo, od 09.10.2003. godine;
- Kopija obavještenja o razvrstavanju pravnog lica prema djelatnosti, broj: 04-32.5-1-4200862970008 od 09.10.2003. godine, Služba za statistiku za područje Kantona Sarajevo;
- Zakon o ministarstvima i drugim organima uprave Bosne i Hercegovine („Službene novine BiH“, broj: 129/03);
- Studija za prethodnu vodnu saglasnost za izgradnju sistema pera na rijeci Savi – lokalitet Savulje u sklopu „Izrada projektne dokumentacije za rehabilitaciju plovnog puta rijeke Save od rkm 329 do rkm 315 i rkm 312+200 do rkm 300“, urađen od strane „Zavod za vodoprivredu“ d.d. Sarajevo, mart 2025. godine;
- Studija za prethodnu vodnu saglasnost za izgradnju sistema pera na rijeci Savi – lokalitet Zorice u sklopu „Izrada projektne dokumentacije za rehabilitaciju plovnog puta rijeke Save od rkm 329 do rkm 315 i rkm 312+200 do rkm 300“, urađen od strane „Zavod za vodoprivredu“ d.d. Sarajevo, mart 2025. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 10/11.05.2025. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, u skladu sa odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Zahtjev odnosi se na aktivnosti planirane na prostoru Federacije Bosne i Hercegovine i to:
 - Rješenje poboljšanja uvjeta plovnosti na rijeci Savi od rkm 315 do rkm 329 koje se sastoji od 22 pera - sistem pera Zorice (između rkm 322 i rkm 329) i produbljivanja dna korita trasom plovnog puta (između rkm 320 i rkm 329), na zemljištu označenom kao k.č. broj 3805/1 i 16607 K.O. Novi Grad, općina Odžak;
 - Rješenje poboljšanja uvjeta plovnosti na rijeci Savi od rkm 310 do rkm 312 koje se sastoji od 10 pera - sistem pera Savulje i produbljivanja dna korita trasom plovnog puta (između rkm 310 i rkm 312), na zemljištu označenom kao k.č. broj 3827 K.O. Tišina, Domaljevac-Samac;
- Predmetna aktivnost obrađena je u dostavljenim studijama i to:
 - Studija za prethodnu vodnu saglasnost za izgradnju sistema pera na rijeci Savi – lokalitet Savulje u sklopu „Izrada projektne dokumentacije za rehabilitaciju plovnog puta rijeke Save od rkm 329 do rkm 315 i rkm 312+200 do rkm 300“, urađen od strane „Zavod za vodoprivredu“ d.d. Sarajevo, mart 2025. godine i
 - Studija za prethodnu vodnu saglasnost za izgradnju sistema pera na rijeci Savi – lokalitet Zorice u sklopu „Izrada projektne dokumentacije za rehabilitaciju plovnog puta rijeke Save od rkm 329 do rkm 315 i rkm 312+200 do rkm 300“, urađen od strane „Zavod za vodoprivredu“ d.d. Sarajevo, mart 2025. godine.


Na osnovu priložene tehničke dokumentacije utvrđeno je da se u svrhu poboljšanja uslova za plovidbu, hidromorfološkog stanja vodotoka i dinamike prirodnog procesa tečenja na predmetnom lokalitetu, na osnovu člana 109. stav (1) tačka 10, a u vezi sa članom 111. Zakona o vodama i člana 17. stav (1) tačka 11. Pravilnika o sadržaju, obliku, uslovima, načinu izdavanja i čuvanja vodnih akata, valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka: Aida Bezdrob, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- Ministarstvo komunikacija i prometa BiH, Trg Bosne i Hercegovine broj 1, 71000 Sarajevo
- ⊖ AVP Sava, ISV, Vodna knjiga,
- Sektor 40, arhiva,
- Oglasna ploča